



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Abbati Sanctae Mariae de Casanova, ejusque fratribus tam praesentibus
quam futuris regularem vitam professis in perpetuum.

urn:nbn:de:hbz:466:1-20006

serit voluntate. Et cum viginti sint Ecclesiae vestrae Canonici, absente parte tertia, & nihil de ipsa electione sciente, xix. Canonicorum subscriptiones ibidem inventae fuerunt. Vnus etiam de praesentibus, nepos scilicet venerabilis fratris nostri Andegaven. Episcopi, minor X IV. annis, nec locum in Capitulo nec stallum habebat in choro. Alius etiam se tunc fuisse absentem, & quod contradixerit facto vestro, & appellaverit ante factam electionem, in auditorio nostro est publicè protestatus. unde crimen falsi committentes poterant formidare. Cumque hujusmodi & similia objicerentur praefato W. tanquam reus delatos ante sententiam honores non poterat postulare, cum & secundum Canones valde grave sit & indecens ut vir, de quo talia referuntur, cum antea dicuti & disquiri debeat, honoretur. Ad haec accedit, quod idem W. astriclus curiae nexibus perhibetur, & cum filios habeat undecunque, fraudulenter proponitur in Diaconum ordinatus. His igitur & similibus contra factum vestrum in nostro & fratum nostrorum auditorio allegatis, cum nobis de veritate negotij constitisset, attentes quod non statim qui accusatur reus est, sed qui convincitur criminosis, quamvis multa contra præfatum W. fuissent proposita, quia tamen nulla probata fuerunt, communicato fratum consilio non ob impedimentum personæ, sed propter electionis vitium, quod à vobis factum fuerat circa præmissam electionem duximus irritandum, universitati vestrae per apostolica scripta mandantes quatenus convenientes in unum, & Spiritus sancti gratia, sicut moris est, invocata, in patrem & Episcopum animalium vestrarum talem personam canonice ac concorditer eligatis, quæ tam præesse noverit quam prodebet; per cuius circumspectionem providam & prudenteriam circumspectam Abrincen. Ecclesia, præveniente divina gratia & sequente, in spiritualibus & temporalibus valeat salubriter gubernari. Datum Laterani XVI. Kalend. Aprilis, pontificatus nostri anno secundo.



*ABBATI SANCTÆ MARIAE
de Casanova, ejusque fratribus tam
praesentibus quam futuris regularem vi-
tam professis in perpetuum.*

*Epiſt. 19.
De confor-
matione privile-
giorum.*

Religiosam vitam eligentibus &c. usque ad verbum ut ordo monasticus, qui secundum Deum & beati Benedicti regulam atque institutionem Cisterciens. fratrum in eodem monasterio &c. usque ad verbum vocabulis. Locum ipsum in quo præfatum monasterium situm est, cum omnibus pertinentiis suis. Ex dono nobilis viri Berardi Comitis Laureti, terras cultas & incultas, vineas, & sylvas, quæ his finibus concluduntur, videlicet à pede fluminis qui dicitur Scaone usque ad rivum Camardellæ, & ascendunt per ipsum rivum Camardellæ usque ad viam publicam quæ vadit super sanctum Stephanum, & transit per ipsam viam, & revertitur in prædicto flumine Scaonis. Culturam Comitis Laureti, qua jacet in valle S. Stephani super viam & subter viam cum pertinentiis suis. Vineam de Castro Celeri cum pertinentiis suis, & locum qui dicitur campus facer cum suis pertinentiis. Sanè laborum &c. Liceat quoque vobis &c. Prohibemus insuper &c. Illud districtius inhibentes, ne terras &c. Ad haec etiam prohibemus, ne aliquis monachus &c. Licitum præterea sit vobis in causis propriis &c. Insuper auctoritate apostolica inhibemus, ne ullus Episcopus in cuius parochia &c. Illud attendentes &c. Pro consecrationibus verò &c. Quod si sedes &c. Quia verò interdum &c. Porro si Episcopi &c. Paci quoque &c. Præterea omnes libertates &c. Decernimus ergo &c. Salva sedis apostolicae auctoritate. Si qua igitur &c. Datum Laterani per manum Rainaldi Domini Papæ Notarij, Cancellarij vicem agentis, XVI. Kalend. Aprilis, indictione secunda, incarnationis dominicae anno M CXCVIII. pontificatus verò Domini Innocentij Papæ III. anno II.

*LVDOLFO MAGDEBURGENSI
Archiepiscopo.*

Svperna providentia, quæ populum humanum per diversa rectorum officia statuit in restitutione gubernandum, pontificalem ad hoc tibi contulit dignitatem, ut per congruam executionem

*Epiſt. 20.
Ipſi dat facul-
tatem beneficia
ecclæstifica
conferendi, &
Prælatos ad ob-
sequiū cogendi.*